

**BEROEPENUUS—16 Feb. 2014****Beroepe ontvang-**

Prop DJ de Bruyn na Barkly-Oos/Maclear-Elloit-kombinasie  
 Ds. WJ Botha van Bloemfontein-Noord na Walvisbaai/Swakopmund/Hentiesbaai  
 Prop MH le Roux na Newcastle  
 Prop ID de V Potgieter na Rietvallei as medeleraar  
 Ds. LJE Venter van Hoedspruit na Kimberley

**Beroepe aanvaar**

Ds. DJA Booyens van Dendron/Magalakwin na Koster

**Beroepe bedank**

Ds. J.C. van Dyk van Ventersdorp na Rustenburg-Wes as medeleraar  
 Ds. CJ van Vuuren van Hartbeespoort na Phalaborwa

## Calvyn en die Christelike feesdae – Ds. C Kleijn– *vervolg van verlede week* Calvyn in Genève 1536-1538

Vir Calvyn en Farel was dit belangrik dat die eenheid op kerklike wyse tot stand gebring sou word en nie op bevel van die owerheid nie. Die owerheid van Genève het egter van hulle verlang dat hulle onmiddellik die feesdae weer sou invoer en nie sou wag op die sinode van Zürich nie. Toe Calvyn en Farel geweier het om dit te doen, was dit een van die deurslaggewende redes vir die verbanning van die predikante. Daarna het die Raad van Genève besluit om die vier feesdae weer in te stel en is arbeid op daardie dae verbied.

**Calvyn se gematigheid**

Toe Calvyn in 1541 na Genève teruggekeer het, het hy die feesdae rustig laat voortbestaan. Hy skryf daaroor: “By my terugkeer kon ek in een oomblik onder byval van die meerderheid omverwerp wat in my afwesigheid besluit was, maar ek het my stil gehou. Alleen daarvoor kon ek nie swyg nie, dat dit verkeerd was om die dag van die besnydenis van Christus te vier met verbygaan van sy sterfdag.” Die feesdae was vir Calvyn geen beginselkwessie nie. Hy wou ook nie hê dat ander mense daarvan ’n beginselkwessie sou maak nie. Wat vir hom wel ’n beginselsaak was, was dat die owerheid geen seggenskap in kerklike sake het nie. Uit sy korrespondensie met die predikante van Montbeliard van Oktober 1543 is dit duidelik dat Calvyn ’n genuanseerde posisie ten opsigte van die feesdae inneem. Die predikante het vir sy advies gevra na aanleiding van ’n besluit van die hertog van Württemberg om Lutherse gebruike in die kerke in te voer. Calvyn skryf dat hy wens dat die predikante standvastiger sal wees in hul afwysing van die feesdae. Hulle moet egter nie teen alle feesdae sonder onderskeid stry nie, maar spesiaal teen die feesdae wat nie tot die stigting van die gemeente bydra nie en ’n bygelowige karakter vertoon. Dan het hulle ’n aanneemlike grond vir verset.

*Word vervolg*

Vandag – Amelia Boshoff 0123230248	19/02– Marie Eloff 0820869651
Vandag – Kariena van der Walt 0826588957	19/02– Coenie van Jaarsveld 0829265423
17/02– Ruben Venter 0844053309	22/02– Pieter van Staden 0722045155
18/02– Minette Vorster 0825511656	<i>Mag u ryklik geseënd wees met goeie gesondheid, liefde en vreugde die hele jaar deur</i>

Die kortste draai is die omdraai. So kort dat hy swaar is. – CJ Langenhoven

Die Krugertjie

**Gereformeerde kerk Pretoria(d)**

**www.gkpretoria.org.za OF**

**www.gk-pretoria.weebly.com**

Kerkkantoor Sr. Amanda Tromp  
 0123262290 (8h00-13h00 Weekdae)  
 E-pos: kantoor@gkpretoria.org.za Faks: 0123265287  
 Skriba: Oudl. Andries du Plessis 0123268154  
 Koster en attes-skriba: Oudl. Flip Minnaar  
 012- 3233194  
 Kassier: Oudl. Frik Eloff: 0825790745  
 Kerk bankbesonderhede: ABSA- 040340106  
 Voorsitter diakonie-Diak Henry Foster 0823772108  
 Orrelis: Sr. Hannetjie Bezuidenhout : 0837415173

**16 Februarie 2014**

**EERSTE EREDIENS**—(9h00 )  
 (Belydenisaflegging)

**Skriflesing:** Markus 8:27-9:1

**Teks:** Markus 8:29,34

**Sing:** Ps. 118:1,12; Sb.33:3 (2-4:3);  
 Ps. 118:11; Sb.40:1,7 (15-4:7); Ps. 105:5

**JULLE, WIE SÊ JULLE IS EK**

Ons wat vandag getuies is van hierdie besondere geleentheid tot openbare belydenisaflegging, ons hoor Jesus sy dissipels ’n tweede keer die vraag vra-  
*Maar julle, Wie sê julle is Ek?*

Nou kan niemand meer los en buite, hom/haarself praat nie. Dit raak ’n totaal persoonlike vraag, wat jou hart en elke deeltjie van jou lewe, binne en buite jou moet opeis.

**KATKISASIE**– Katkisasie gaan normaal voort

Katkisasie lesse vir Laerskool op internet beskikbaar by <http://bit.ly/JQjBz4>

**TWEEDE EREDIENS**– (ná katekisasie)  
 (Doop– verbondskindjie Chantelle Netto)

**Skriflesing:** Jesaja 30:19-26

**Teks:** Jesaja 30:21

**Sing:** Ps. 98:3; Ps. 128:4; Ps. 86:6;  
 Ps. 89:6

**DIE WOORD AGTER JOU**

In hierdie klompie verse kom God se seëninge een vir een na vore. Daar sal troos wees, geen gehuil en tranes meer nie, God se Woord sal geleer word, ja ons teksverse wys in besonder hierop, God se Woord sal ’n stem wees, wat heeldyd agter jou bly praat.

Preke vanuit verskillende Bybelboeke kan elektronies afgelaai word by <http://bit.ly/XmtQM2>

Eredienste in klank kan geluister word <http://bit.ly/Tetto1>

Ds. Petrus is betrokke by ’n Psalm projek, om soveel as moontlik preke oor die Psalms uit te gee. Bekend as Bruilofsliedere vir die Messias. Die preke oor die Psalms wat reeds beskikbaar is, kan gelees word by <http://bit.ly/12P9mzH>

**Predikant:**

Ds. Petrus Venter  
 012- 3356130  
 0847042348 (P) 0845119620(C)  
 pjventer@gkpretoria.org.za  
 9 de Laan 880  
 Wonderboom-Suid  
 www.gk-pretoria.weebly.com

**Diensbeurt: (sluit in susters se skink beurte)****Vandag-Wyke 24 en 25**

Ouderlinge: Johan de Jonge en Willie J/v Rensburg  
 Diakens: Johan du Plooy en Marinus Lorist

**Volgende Sondag (23/02) – Wyke 1 en 2**

Ouderlinge: Deon Vosloo en Koos van der Merwe  
 Diakens: André Koen

Bare geluk met u verjaarsdag

**DRA MEKAAR SE LASTE EN DEEL MEKAAR SE VREUGDES...**

**Sr Muriel Erasmus** wat terugslag in haar gesondheid gehad het en in die hospitaal was word in ons gebede vasgehou. Sy is intussen weer by die huis. **Br Dries de Ridder** se gesondheid is nie goeie nie. Ons bid opnuut dat die Here vir hom krag, genade en beterskap mag skenk. So ook **br Kallie Tromp** wat weer in Kalafong hospitaal opgeneem is met ontsteking in sy voet. Mag daar vir hom ook gesondheid kom. **Sr Chrisna Mulder** skoondogter van ds Andries Mulder-hulle wat baie ernstige terugslae in haar kankerbehandeling moes deurgaan word haar, haar gesin en familie weer aan die genadetroon van die Here opgedra. Die ouers van **sr Magda du Plooy** word aan die genadetroon van die Here opgedra. Beide het groot terugslae gehad en ons gebed is dat die Here hulle en hulle kinders en families in die tyd naby sal wees. **Sr Cora Kruger** bly ook in ons gebede na sy in haar hoë ouderdom groot terugslae gehad het. Haar liggaamskragte is min. **Sr Rina Aucamp** bid ons die Here se krag en genade toe. Sy gaan baie dae deur swaar beproewinge. Ons dink ook aan oom Louw en die kinders wat haar so getrou moet bystaan. **Br. Jurie Malan** wie se kragte min is en hy baie verswak het vra ons dat ons opnuut vir hom sal bid. **Sr Anna Eloff** is nog in Bly-Moedig –kliniek. Ons dink ook aan haar.

**KOSTER-AFLOS**

Soos u seker reeds kon agterkom br. Flip Minnaar, ons koster is op verlof. Br. Lukas Huisman staan vir hom in. As daar enige sake is wat reëlings rondom die koster aangaan kan u br. Lukas kontak (0722449467)

**SUSTER SAAMTREK 2014**

Dit is al weer sulke tyd! Vanjaar se saamtrek van susters vind DV op 8 Maart 2014 plaas. Dit word aangebied deur die Gerf kerk Lyttelton. Die spreker sal wees Hettie Britz, plek is NG Kerk Raslouw Eldoraigne. Koste is R100 per persoon. Kontak sr Christine om u name op te gee vir almal wat graag die saamtrek die jaar wil bywoon.

**MENS WAAROM LYK DIE WêRELD-SO?**

Br Morné Diedericks kom praat met ons hieroor op 22 Feb. 2013 by ons oop-gesprek geleentheid hierdie kwartaal. Tyd 9h30. Waarlik iets om na uit te sien!

**ETE NA NAGMAAL**

Ons reëlings vir ons gemeente-ete met Nagmaal werk weer soos verlede jaar. Met ons eerste ete vir die jaar is die spyskaart koue vleise, slaai, broodjies en konfy

**KOLLEKTE**

<b>Vandag: 1ste diens</b>	DVB	Emeritaats-fonds
<b>2de diens</b>	DVB	Intand-houding
<b>23/02/2014 1ste diens</b>	Paul Kruger kinderhuis	Emeritaats-fonds
<b>2de diens</b>	DVB	Intand-houding

**DAGBOEK**

DATUM	GEBEURTENIS
16/02	Voorbereiding en Belydenisaflegging
23/02	Nagmaal en Nabetrugting
11/03	Finans- en Adviesverg
13/03	Kerkraadsverg
28/03	Skole sluit

**SUSTERS EN PAUL KRUGER - KINDERHUIS**

Ons vra steeds vir onbederfbare produkte en blikkieskos vir die kinderhuis. Help aub hiermee deur in die karton-houers by kerk se ingang van hierdie produkte te plaas. Diegene wat getrou hiertoe bydrae word bedank. Daar het deur die jaar heelwat produkte op die manier hulle weg na die kinderhuis gevind.

Ons vestig ook u aandag op die SMS-nommer. Tik die woord PKK en SMS dit na 41092. Met elke SMS maak u 'n R25-00 bydrae.

Die susters bedank almal vir hulle donasies in susters se donasiekas by die teeskink....

**SUSTERS RESEPTEBOEK**

Die susters wil graag vroeg in hierdie jaar die resepteboek laat verskyn. Indien daar nog iemand is wat resepte wil ingee moet u dit asseblief vir die einde van Januarie aan sr Anria Möller gee. Haar e-posadres is anria\_m@yahoo.com. Sy kan gekontak word by 0273731597.

**HARTKLOP-FEES**

Dit vind DV op 15 Maart 2014 plaas, ten bate van die Pres Kruger Kinderhuis. Alle inligting is op kennisgewingbord. Kaartjie is by *itickets* beskikbaar. U kan ook met sr Retha v/d Merwe hieroor praat. Ons kan in hierdie kinders se lewens 'n verskil maak!

**DIE EVANGELIE: MATTHEÛS**

*Vervolg van verlede week*

**MATTHEÛS 10**

**10:23, vlug** – Dit is belangriker om die Evangelie te versprei, as om noodwendig in een plek te volhard. Gelowiges is nie kleinmoedig, as hulle uitwyk na waar hulle nie vervolg word nie. Die geskiedenis wys in elk geval uit dat, al moes gelowiges uitwyk uit plekke, die reeds geplante saad tog daar bly groei het.

**Stede van Israel** – Dit beteken nie dat die Woord net in die land Israel beperk moes bly nie, maar gaan om die Evangelisering van die **Jode**, wat ook tot op die eindtyd sal duur. “Stede” bedoel dan eintlik op die nageslagte van Israel as geheel. Tog meen sommiges dat dit eintlik beteken dat selfs tot die einde nie eers die hele land Israel bekeer sal wees nie.

**10:24-25** – Twee dinge word deur verklaarders hierin gelees. (1) Soos Jesus die Dissipels geleer het dat hulle soos Hy, hulle Meester, moet word in diens aan mekaar (Joh 13:13-17), moet hulle nie groter as hulle Meester wil wees nie: Dit is die gesindheid waarin die Woord versprei moet word. (2) Hulle moet nie kleinmoedig word in die teenstand nie – as 'n huis in diens van Satan staan, sal daardie mense net soos hulle meester wees. (3) 'n Derde gedagte hierby is dat die Christene deur sulke mense nie ontsien sal word nie.

**10:26, vrees . . . nie** – Moenie dat vrees julle bind in julle getuieis nie. Die vervolgers se dade sal openbaar word in die laaste dag.

**10:27** – Die Christene moet hulle geloof nie verberg nie, maar dapper in die stryd wees.

**10:28, die siel nie kan doodmaak nie** – *Hierna is verwys in 'n artikel oor die “neergedaal na die hel” deur Christus: Ook wat Christus Self betref, is hierdie woorde van Hom uiteindelik bewaarheid in Sy lyding. Pilatus kon net die liggaam aan die dood laat oorgee. Daaruit leer die gelowiges om in lyding “nie soos skuldiges en kwaaddoeners nie, maar as onskuldig en met 'n goeie gewete alles te verduur.” 1 Petr 4:16 word in hierdie verband deur Totius gebruik: “Maar wanneer iemand as 'n Christen ly, moet hy hom nie skaam nie, maar God verheerlik in hierdie opsig.”*

**10:29-31** – As diere se lewens nie by God verby gaan nie, en selfs jou hare getel is, hoeveel te meer is Sy hand nie op Sy gelowiges nie. Moenie kleinmoedig wees nie.

**10:32-33** – Die troos van die vorige verse word verder gevoer met die belofte van Christus se trou. Hy sal ook in die oordeel terugkom by dié wat Hom verloën. Wie swig voor die aardse openbare mening, sal deur Christus ontken word, wanneer hulle in die oordeel staan.

**10:34-37, vrede . . . swaard** – Met Christus se

geboorte sing die engele “vrede op aarde”, en met Sy eerste verskyning aan die Dissipels na die opstanding het Hy ook gesê “My vrede gee Ek aan julle.”

Hoe rym dit dan met die woorde wat Hy hier sê? Hy bring die swaard!

*In 'n oordenking in Die Kerkblad van 23/12/1949 praat Totius oor hierdie vrede. Hy antwoord ons vraag hierbo met die woorde dat ons in profetiese sin nou al sing van vrede op aarde. Die eintlike vrede breek met dieWederkoms van Christus aan. In die lig van die Openbaringe en die Profetiese Rede ver wag ons nou groter smart en ellende as ooit in die geskiedenis. “Maar ons hef ons hoofde op, omdat ons weet dat ons verlossing naby is (Luk 21:28).”*

In 'n ander sin bestaan die vrede nou reeds wel: Om in Christus met God versoen te wees, is om selfs onder die ergste omstandighede **vrede** in die hart te hê.

**Tweedrag** - Ons moet ook nie terugdeins wanneer ons die skeiding belewe, wat deur die Evangelie kom nie, al is dit hoe seer en al is dit tussen aller-naastes.

**10:37, My nie waardig nie** – Is hierdie nie die hardste woorde nie! Ons wil dan uit die Woord leer dat die gesin 'n bousteen van die Kerk en Koninkryk is?

*Ook hierop antwoord Totius op sy kenmerkende manier. Ouers wat onder die invloed van die individualisme wil sê dat hulle niks kan doen om hulle kinders se rigting te bepaal nie, wil met 'n valse vroomheid alles “maar aan die Here oorlaat.”*

*Dit bots al met wat mens raak moet hoor in die woorde van Josua (24:15b) dat hy en sy huis die HERE sal dien. In ver troue in die God van die Verbond moet mens dit kan sê. Christus se woorde in 10:37 plaas die verpligting op die gelowiges ouers om hulle band van liefde met hulle kinders “afhanklik te maak van die liefde tot die Here.”*

*Dikwels het ouers ongelowige en wêreldse kinders liewer as die HERE. 'n Besliste houding moet ook die Kerk bewaar teen indringing van ongelooft en die wêreld. “Losheid, gejaagdheid, onbeslistheid en pessimisme” word gebore uit karakterloosheid. Dit is kenmerk van ons tyd. Die Woord moet ons staal. Karaktervas word die wil van God gehou. Daarmee word nie gespeel nie. Dan is mens 'n geloofsheld wat die belydenis hou.*

Nie familiebande nie, maar verbondenheid met Christus moet in ons lewens die deurslag gee. Selfs op hierdie vlakke moet die gelowiges Hom verkies bo die aardse bande wat ons bind.

*Word vervolg*

**HIERDIE MAAND/E IN DIE GESKIEDENIS-**

*12 Feb. 1972– Dr. AD Keet oorlede; 13 Feb. 1858– ZAR se eie grondwet, vlag en wapen amptelik in gebruik geneem; 14 Feb. 1687– Eerste hoeksteen van die NG kerk Stellenbosch word gelê; 16 Feb. 1905– Die Teol. Skool word van Burgersdorp na Potchefstroom verskuif; ; 16 Feb. 1838– Dr. Arnoldus Pannevis gebore; 16 Feb. 1915– Geboortedag van Elizabeth Eybers; 18 Feb. 1546– Martin Luther oorlede; 21 Feb. 1877– JD du Toit (Totius) gebore ; 22 Feb. 1857– Grasdak kerk waaraan Kerkplein in Pretoria sy naam ontleen word in gebruik geneem*